



Broj: 01-02-1429/22
Sarajevo, 07.07.2023. godine

DOM NARODA PARLAMENTA FEDERACIJE BiH

n/r gospodina Tomislava Martinovića, predsjedavajućeg
n/r gospodina Izena Hajdarevića, potpredsjedavajućeg
n/r gospodina Slađana Ilića, potpredsjedavajućeg

**PREDMET: PRIJEDLOG ZAKONA O KORIŠTENJU OBNOVLJIVIH IZVORA
ENERGIJE I EFIKASNE KOGENERACIJE**

Na osnovu člana 198. Poslovnika Predstavničkog doma Parlamenta FBiH, obavještavam Vas da je Predstavnički dom Parlamenta FBiH na 3. redovnoj sjednici održanoj 06.07.2023. godine, usvojio Prijedlog Zakona o korištenju obnovljivih izvora energije i efikasne kogeneracije sa devet amandmana Vlade Federacije BiH, koji su postali sastavni dio Prijedloga Zakona i šest amandmana koje je Vlada Federacije BiH prihvatila, te su postali sastavni dio Prijedloga Zakona.

Amandmani koje je Vlada FBiH prihvatila:

Amandman I

U članu 17. u tački cc) interpunkcijski znak „ .“ mijenja se sa interpunkcijskim znakom „ ,“ i iza tačke cc) dodaje se nova tačka dd) i glasi:
„dd) zaključivanje ugovora o uređenju međusobnih odnosa s nadležnim operatorom distribucijskog sistema“.

Amandman II

U članu 28. stav (2) mijenja se i glasi:

„Ugovor iz stava (1) ovog člana, između ostalog, sadrži odredbe vezane za obavezu prikupljanja fakturisane naknade za poticanje OIE, doznačavanje prikupljenih/naplaćenih sredstava na račun Operatora za OIEiEK, dostavu podataka o finalnoj potrošnji električne energije krajnjih kupaca, međusobnih prava i obaveze u vezi sa preuzimanjem, obračunom i naplatom pripadajuće količine električne energije proizvedene iz OIE, obavezu opskrbljivača ili kvalificiranog kupca da izda Operatoru za OIEiEK bankarsku garanciju radi osiguranja naplate.“

10-02-23 f. ...

Amandman III

U članu 33. u stavu (4) riječi: „količina energije“ mijenjaju se riječima: „ukupnih instaliranih snaga“.

U članu 33. u stavu (5) riječi: „količina energije“ mijenjaju se riječima: „ukupnih instaliranih snaga“.

Amandman IV

- u članu 3. stav c) mijenja se i glasi: "Aukcija za mala postrojenja - FIT Aukcija je proces nadmetanja kojim se pobjedniku/pobjednicima dodjeljuje pravo prodaje električne energije proizvedene iz OIEiEK iz malih postrojenja, a nadmetanje se vrši za tehnološke kvote definisane u jedinicama instalisane snage (kW),"

- u članu 3. stav d) mijenja se i glasi: "Aukcija za velika postrojenja - FIP Aukcija je proces nadmetanja, kojim se pobjedniku/pobjednicima dodjeljuje podsticaj u vidu fiksne premije po isporučenom MWh električne energije iz OIEiEK iz velikih postrojenja, nadmetanje se pritom vrši za tehnološke kvote definisane u jedinicama instalisane snage (kW),"

- u članu 3. stav dd) mijenja se i glasi: "Obim aukcije označava maksimalnu količinu električne energije iz obnovljivih izvora energije iskazanu u GWh, koja će biti poticana putem fiksnih premija kroz provođenje aukcija,"

- u članu 3. stav ss) mijenja se i glasi: "Tehnološka kvota označavaju maksimalnu instalisanu snagu postrojenja iz obnovljivih izvora energije iskazanu u kW, koja će biti podsticana putem garantovane otkupne cijene u toku jedne karendarske godine,"

- u članu 34. u stavu (3) riječi "količina energije" mijenjaju se riječima „instaliranih snaga“,

- u članu 37. u stavu (2) riječi "proizvodnje" mijenjaju se riječima "instalirane snage".

Amandman V

U članu 46. stav (2) mijenja se i glasi:

„(2) Instalirana snaga elektrane, u slučaju primjene shema snabdijevanja neto mjerenja ili neto obračuna, ne može biti veća od odobrene priključne snage objekta krajnjeg kupca, a maksimalna instalirana snaga po pojedinačnom postrojenju ograničava se na 150 kW.“

Amandman VI

U članu 27. st. (6) i (7) se brišu.

U članu 41. stav (4) se briše.

U prilogu dostavljamo amandmane Vlade FBiH.



Dostaviti:

- naslovu

- predsjedniku i potpredsjednicima FBiH
- premijeru, zamjenicima premijera
- Vladi FBiH
- Predsjedavajućem PD
- potpredsjedavajućima PD
- sekretaru Doma naroda
- službi Doma naroda
- sekretaru Predstavničkog doma
- službi Predstavničkog doma
- službi za izradu izvornika PD
- a.a

Broj: 03-02-850-1/2022
Sarajevo, 05.07.2023. godine

**PARLAMENT FEDERACIJE
BOSNE I HERCEGOVINE**

- Predstavnički dom -
gđa Mirjana Marinković - Lepić, predsjedavajuća
- Dom naroda -
gosp. Tomislav Martinović, predsjedavajući ✓

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Prilijeno: 06-07-2023			
Org. jed.	Broj	Priloga	Vrijednos:
01,02	-02-	1429	22

B-8


PREDMET: Veza naš akt broj: 03-02-850-1/2022 od 19.05.2023. godine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama čl. 184. i 185. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i čl. 177. i 178. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **AMANDMANE NA PRIJEDLOG ZAKONA O KORIŠTENJU OBNOVLJIVIH IZVORA ENERGIJE I EFIKASNE KOGENERACIJE**, koje je utvrdila Vlada Federacije Bosne i Hercegovine na 7. sjednici, održanoj 04.07.2023. godine.

Amandmani Vlade Federacije Bosne i Hercegovine postaju sastavni dio Prijedloga zakona o korištenju obnovljivih izvora energije i efikasne kogeneracije koji sam u parlamentarnu proceduru, radi razmatranja i usvajanja, dostavio aktom broj: 03-02-850-1/2022 od 19.05.2023. godine.

S poštovanjem,



Prilog: kao u tekstu

**Co: Federalno ministarstvo energije, rudarstva i industrije
gosp. Vedran Lakić, ministar**

Na osnovu člana 73. stav (4) Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH”, br. 6/10, 37/10, 62/10 i 39/20), a u vezi sa odredbama člana 185. stav (5) Poslovnika Predstavničkog doma Parlamenta Federacije BiH („Službene novine Federacije BiH”, br. 69/07, 2/08 i 26/20) i odredbama člana 177. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH”, br. 27/03, 21/09 i 24/20), Vlada Federacije Bosne i Hercegovine je, na 7. sjednici, održanoj 04.07.2023. godine, utvrdila sljedeće:

**AMANDMANE
NA PRIJEDLOG ZAKONA O KORIŠTENJU OBNOVLJIVIH IZVORA ENERGIJE I
EFIKASNE KOGENERACIJE**

AMANDMAN I

U članu 5. stav (2) tačke c) i d) brišu se.

AMANDMAN II

U članu 21. dodaju se novi st. (4) i (5) koji glase:

„(4) Regulatorna komisija donosi Pravilnik o metodologiji godišnjeg utvrđivanja porijekla električne energije, izračuna i objave strukture preostale električne energije u Federaciji, a kojim se najmanje propisuje:

- a) principi i osnovni elementi utvrđivanja porijekla električne energije u Federaciji,
- b) način utvrđivanja strukture električne energije proizvedene iz OIEiEK, koju otkupljuje Operator za OIEiEK,
- c) način utvrđivanja strukture ukupne preostale električne energije,
- d) način utvrđivanja strukture električne energije koju snabdjevači prodaju krajnjim kupcima,
- e) obaveze snabdjevača prema krajnjim kupcima,
- f) provjera strukture prodane električne energije snabdjevača,
- g) objava godišnjeg izvještaja o porijeklu električne energije,
- h) ostale odredbe neophodne za izračune i objave u skladu sa važećim EU direktivama o zajedničkim pravilima za unutrašnje tržište električne energije.

(5) Regulatorna komisija je zadužena za izračun strukture preostale električne energije i objavu preostale strukture električne energije. „

Obrazloženje za Amandmane I i II.

Puno međunarodno priznanje garancija porijekla izdatih u FBiH, od strane Operatora za OIEiEK, može zaživiti isključivo u članjivanjem Operatora za OIEiEK u evropsku asocijaciju izdavačkih tijela AIB (Association of Issuing Bodies). Da bi Operator za OIEiEK uopšte mogao da bude član AIB-a, moraju biti zadovoljeni određeni uslovi a jedan od njih je postojanje nezavisnog tijela koje radi upravo u Amandmanu II. pomenute poslove. Interesorna radna grupa, čiju uspostavu predlažu tačke iz člana 5., i koju čine predstavnici nadležnih federalnih ministarstava nije nezavisno tijelo.

Regulatorna komisija za energiju u Federaciji Bosne i Hercegovine je nezavisna komisija, koja je u mogućnosti i kojoj pripada obavljanje navedenih obaveza koje su predložene ovim amandmanom, uz napomenu da je navedeno rješenje egzistiralo u Prijedlogu Zakona o korištenju obnovljivih izvora energije i efikasne kogeneracije koji je Vlada Federacije Bosne i Hercegovine, na 341. sjednici održanoj 08.12.2022. godine utvrdila i aktom broj: 03-02-850/2022 od 12.12.2022. godine uputila u daljnju parlamentarnu proceduru.

Bez ovakvog rješenja upitno je da li će garancije porijekla da budu priznate van granica naše zemlje, a šta bi bilo značajno za privredu Federacije BiH kada počne primjena mehanizma prekogranične zaštite od karbonskih emisija (CBA Mehanizam).

AMANDMAN III

Član 17, stav (1) tačka bb) briše se.

Obrazloženje

Prijedlogom Zakona o električnoj energiji Federacije Bosne i Hercegovine, koji je u proceduri usvajanja, u članu 43. se navodi da Federalno ministarstvo energije, rudarstva i industrije vodi Registar elektrana. Da bi se usaglasila ova dva zakona, odnosno, spriječilo dupliranje nadležnosti, neophodno je brisati ovu nadležnost iz člana 17. Zakona o korištenju OIEiEK, koji definiše nadležnosti Operatora za OIEiEK.

AMANDMAN IV

Član 8. stav (7) briše se, a dosadašnji stav (8) postaje stav (7).

Obrazloženje

Članom 8. stav (1) Prijedloga Zakona propisano je da je Operator za OIEiEK neprofitno pravno lice, što znači da ne može iskazati dobit te samim time nije ni obaveznik poreza na dobit u skladu sa posebnim zakonom kojim se uređuje ova oblast. Iz tog razloga, potrebno je brisati stav (7) istog člana koji je propisivao da Operator za OIEiEK ne podliježe obavezi plaćanja poreza na dobit na naknadu za podsticanje OIE.

AMANDMAN V

Član 37. st. (2) i (3) mijenjanju se i glase:

(2) Kriterij za rangiranje ponuda je najniža ponuđena fiksna premija i u slučaju kada je zbir ponuđene proizvodnje iz dostavljenih ponuda koji su zadovoljili kriterije iz javnog poziva aukcije veći od definisanog obima aukcija ponude se rangiraju na slijedeći način:

- a) prema iznosu ponuđene fiksne premije, od najmanje prema najvećoj,
- b) za ponude sa istom ponuđenom fiksnom premijom, prema instalisanoj snazi postrojenja od najmanje prema najvećoj,
- c) za ponude sa istom ponuđenom fiksnom premijom i istoj instalisanoj snazi postrojenja, prema vremenu zaprimanja ponude, gdje prednost imaju ranije zaprimljene ponude,
- d) ponuda, rangirana u skladu sa tč. a), b) i c) ovog stava koja se ne uklapa u obim aukcije, bez obzira na ponuđenu visinu fiksne premije, se odbacuje i postupak rangiranja se ponavlja.

(3) Pobjednici aukcije su ponuđači čiji je zbir ponuda, rangiran u skladu sa stavom (2) ovog člana manji ili jednak obimu aukcije.

Obrazloženje

St. (2) i (3) člana 37. su propisali kriterij za rangiranje ponuda i dobitnike/pobjednike aukcije na slijedeći način:

- (2) Kriterij za rangiranje ponuda je najniža ponuđena fiksna premija i ponude se rangiraju.
- (3) U slučaju kada je zbir ponuđene proizvodnje iz dostavljenih ponuda koji su zadovoljili kriterije iz javnog poziva aukcije veći od definisanog obima aukcija, dobitnici se određuju na slijedeći način:
 - a) prema iznosu ponuđene fiksne premije, od najmanje prema najvećoj,
 - b) za ponude sa istom ponuđenom fiksnom premijom, prema instalisanoj snazi postrojenja od najmanje prema najvećoj,
 - c) za ponude sa istom ponuđenom fiksnom premijom i istoj instalisanoj snazi postrojenja, prema vremenu zaprimanja ponude, gdje prednost imaju ranije zaprimljene ponude.

S obzirom na činjenicu da je već u većem dijelu pripremljen draft Nacrta Pravilnika o aukcijama i da je Federalno ministarstvo energije, rudarstva i industrije sa Operatorom za OIEiEK pokušalo "provesti" zamišljenu aukciju kako bi se vidjelo da li ima određenih problema u navedenim predloženim zakonskim odredbama, u navedenim aktivnostima je utvrđeno da na navedeni način rangiranja može doći do neispunjenja predviđenog obima aukcija na jednoj aukciji koju provodi Operator za OIEiEK. Naime, ukoliko se na aukciji pojavi ponuda "značajne" snage koja se rangira u skladu sa dostavljenom visinom premije i ako sa svojom predviđenom proizvodnjom ne ulazi u obim aukcija, tada se sve naredne ponude nakon nje odbacuju. Da bi se izbjeglo navedeno, Amandmanom V je predloženo da se navedena ponuda odbaci a da se rangiranje ponovno vrši, sve s ciljem popunjavanja planiranog obima aukcija.

AMANDMAN VI

U članu 12. tačka b) riječ „direktoru“ zamjenjuje se riječju „Upravi“, a u tački h) riječ „direktora“ zamjenjuje se riječju „Uprave“.

Obrazloženje

Predloženim amandmanom vrši se usklađivanje teksta sa predloženim izmjenama u članu 13. Zakona.

AMANDMAN VII

U članu 13. stav (1) riječ „direktor“ zamjenjuje se riječima: „predsjednik i dva člana Uprave“.

U stavu (4) riječ „Direktora“ zamjenjuje se riječju „Upravu“, u stavu (5) riječ „Direktor“ zamjenjuje se riječima: „Predsjednik i članovi Uprave“, u stavu (6) riječ „Direktor“ zamjenjuje se riječima: „Predsjednik i članovi Uprave“ a riječ „može“ zamjenjuje se riječju „mogu“, u stavu (7) riječ „Direktoru“ zamjenjuje se riječima: „Predsjedniku i članovima Uprave“ i u stavu (8) iza riječi „rada,“ dodaju se riječi: „rukovođenja i odlučivanja“.

Obrazloženje

S ciljem efikasnijeg rukovođenja i upravljanja Operatorom procjenjeno je da bi Uprava sastavljena od više članova kvalitetnije obavljala poslove iz svoje nadležnosti.

AMANDMAN VIII

U članu 15. stav (1) riječ „Direktora“ zamjenjuje se riječju „predsjednika i članova Uprave“.

Obrazloženje

Predloženim amandmanom vrši se usklađivanje teksta.

AMANDMAN IX

U članu 65. iza stava (3) dodaje se novi stav (4) koji glasi:

„(4) Ministarstvo će, u saradnji sa Operatorom za OIEiEK, vršiti analizu rada Balanse grupe OIE, te po potrebi, predlagati korekcije.“

Obrazloženje

Uočena je potreba da Ministarstvo, u saradnji sa Operatorom za OIEiEK vrši analizu rada Balanse grupe OIE, te po potrebi, predlaže korekcije rada Balanse grupe OIE.

V. broj: 399 /2023
04.07.2023. godine
Sarajevo

